

考代因案

大器晚成



崇正辨訛

齊氏醫譜

點畫校對
翻刻必究

聚



周官醫師統於太宰位則上士所以調護王躬而
弭陰陽之患責綦重哉習其業者臟腑之隱經絡
之紛脉息之細以在我所會之理莫通乎病者所
含之氣芒乎微矣自巫彭作醫斯道爰始厯史藝
文門載醫書甚夥其最著數家洞乎四時五行五
運六氣六淫七情之要道焉苟且牘略者能究其
奧窔乎古戎州齊有堂績學士也不汲汲科名獨
究心內經素問之旨數十年覃精研思成醫案一

書刻之凡六卷余守郡其子高奉是書來求弁言
余披覽之首則分著六經六圖次則重發先天後
天暨凡雜治選要皆準較精詳簡明切當知於此
道爲三折肱云余閱凡例重有感矣天下事不盡
其志不精所業未有憧擾空襟之胸而能慮事無
毫髮憾者況醫理在血脈湊理之深乎有堂彙集
醫案醫秘痢證痘科諸書夙抱利人濟世之心慨
然以古良醫自期其論診視之法力祛夫業技以
食者溷濁冒昧之積習斬斬然言之無已安得不



志之彌專而理之益精乎宜此書行益人無窮極也嗚乎是所以爲仁也所以能爲仁之術也夫天下有與良醫同類而稱者其事在於調護弭救借非此心純壹何以曲盡其仁人之術予於此書顧能無言乎

道光十有二年歲在壬辰仲秋月上旬

賜進士出身朝議大夫四川叙州府知府署成都府事

欽命卽補兵備道觀察使前翰林院編修

武英殿提調

文淵閣校理撰擬

進奉文字纂修

國史卓異加三級紀錄十九次貴筭張日最拜序



齊氏醫案序

余幼業儒。性嗜勤學。奈命生不辰。而多疾病。彼時弱冠。正有志青雲。以復箕裘之望。不意先君遭家多故。徙居長邑。先君曰。離鄉矣。家貧矣。子暫餬口。再作良圖。遂從嚴命。舌耕九年。形容枯槁。顏色憔悴。腰脩不伸。形如鵠立。維時囊中始有。貿往渝瀘。訪求良醫。竟不一遇。噫。何求醫之難耶。歸至舟中。同伴者。買有薛氏醫案一書。得觀補益門內。始知凡人患病之因。當用何藥。峻補之法。選方對証。揀買良藥。數年來。湯



藥服至數百劑。凡餌服至百十斤。未嘗停歇。一日腰
俯自伸。飲食健旺。身體康壯。非藥之力。何能及此。嘉
慶丁巳。時年三十三歲。復貿漢鎮。獲遇超凡黃公老
師。乃西昌喻嘉言之小門生。受業於舒馳遠者也。幸
得拜門於楚北武昌客邸。即示予曰。吾今耆老矣。年
已七十矣。久因勞攘風塵。日為人役。而未傳於徒觀
子穎敏。可當吾意。乃將數十年親承於嘉言。馳遠口
授之秘旨。遂一一以傳於慧。晨夕問難。分辨六經。陰
陽表裏。寒熱虛實。條分縷晰。金針並度。聲傳無隱。皇



詳且盡。我師弟二人。依依三載。拜別回川。屏去營謀。志在濟世。杜門樂饑。窮究醫學。購求黃帝內經靈樞素問。難經脉訣。元始綱目。張劉李朱四大家之秘訣。喻氏醫門法律。尚論篇。寓意草。及

御纂金鑑。薛氏醫按。趙氏醫貫。馮氏錦囊。診家正眼。密齋集解。龍宮方。石室秘錄等書。晝夜苦讀。殫心悉慮。寢食研求。其中五行生剋制化。一一辨明。字字領悟。於凡要妙疑闕。會族肯綮。無不迎刃而解。嘻。有莫之為而為者。我今果知醫耶。然雖髮脫。將盡。覺肌膚光



澤體健身輕。心中喜不盡言。言不盡意。於斯時也。城鄉遠近。府縣廳州。送往迎來。醫治咳嗽吐痰。咳血咯血。衄血遺精。勞瘵虛勞。勞蟲愈者十之八。每治一人。即立一案。至今活人已盈千累萬。內選病之奇醫之良。易易者百十案。附於熟習各條之下。商諸高明。僉曰宜亟梓行世。慧何人斯。而敢妄為著書立說。以取畫蛇添足之誚。況生於千百年成法大備之後。即有所說。又豈能出古人範圍乎。恨祿山兵燹。真書淹沒。後人以訛傳訛。世多不分陰陽。不辨虛實。用

方用藥。鮮能中病。敢將數十年寤寐誠求心得。仲夏嘉言之蘊奧。立齋養葵之秘旨。吾師超凡之心法。古今諸家之議論。乃為之暢發其義。針砭諸家啟。後賢俾不致有虛虛實實之害。貽誤後世。慧故於是編之所以作。要訣之所以明。足快償吾生平之大願也。知我罪我。又何計焉。是為序。

嘉慶十一年歲在丙寅孟秋月有堂齋秉慧白序

醫門十勸

七言排律十首

勸醫士盡心診治

一自勤搜海上方。順時調氣貴周詳。凝神膝理咸昭。咸昭。微入手根由細較。量敢道無錢分厚薄。惟求有疾盡安康。良醫良相功歸一。願起斯人菜色黃。

勸醫士安貧莫苛取

顛連抱病剝床膚。全仗春風拂朽枯。盡爾勤勞心內術。忍教抑勒病中軀。人酬未及天酬巧。近報須將遠



中醫藥大學圖書館版權所有

報圖。莫學段家承務子。縑金索得便神誅。事見丹桂

勸醫士恤孤寡

寡婦孤兒已寂寥。無端染病倍魂銷。淒風黯雨連綿。泣妙藥靈丹趁手調。死者有知應結草。生而無報。承祀一腔仁愛天心鑒。定卜芝蘭姓字標。

勸醫士憐貧乏

一家衣食賴馳驅。無奈沈疴已瘦臞。妙劑渥如沾雨露。神方甦爾出泥塗。彥明張氏蘭芽秀。不可陳生桂萼敷。休說貧民難買命。濟人須濟急時無。張氏陳生



勸醫士施給凶年藥餌

人人誰不願平安。瘟疫流行禍慘然。窮極已經新歲。夕病深難度日。如年卧床苦惱。炊無米。闔戶哀號。少錢命似草菅。溝壑滿。傾囊解橐。好施捐。

勸醫士勿誤用藥

回生藥力可通神。用合機宜在我身。未識陰陽和表裏。終淆佐使與君臣。立方補瀉宜斟酌。執意溫涼貴認真。一命終須償一命。果報昭昭勿誤人。

勸醫士勿私奇方秘傳

奇方珍重獨超羣。一派淵源許共聞。杏教本非天地意。傳薪宜體聖賢文。價雖簡便偏瘥疾。藥似平蕪轉建勲。莫飽私囊誇秘訣。流行陰德首推君。

勸醫士勿多傷生命製藥

汝欲延生須放生。前賢戒語好推尋。殘他肢體傷多命。入爾丹丸索數金。雀飼百頭需藥米。蟾羅千隻費刀砧。一般怕死情無異。我輩宜懷惻隱心。

勸醫士預儲缺藥

嘗來藥味總成虛。真則無多贗有餘。馬勃牛溲宜預



南京中医药大学图书馆

蓄銀丸金液。亦須儲居奇。莫謂能邀利。愈病方知有。
令譽春滿囊中無缺陷。倉皇臨証亦舒徐。

勸醫士勿好為人師。妄教子弟。

授業。先將品行看。莫教無學並貪婪。靈區朗朗。金
鏡妙理深深。啟玉函。善悟聰明能集益。苛求殘刻更
何堪。誤人在彼猶如我。仁術藏身貴渾涵。

右詩十首。言雖平庸。意實懇切。願諸君子身體
而力行之。更勸大有力人。登高一呼。轉相化導。
使人人咸以利濟為心。則於



中醫藥大學圖書館藏

聖朝仁民愛物之治化亦未必無小補云。

題詞

有堂先生以十勸詩求正余誦其詩嘉其意且喜其為風雅雋才也因即詩以

學問精時術亦精良醫良士並知名數行珠玉

落底勝陽春腕下生

斧藻無從細品評仁言利溥耐重賡慈航已作迷津

渡莫負婆心委曲呈

賜進士出身奉政大夫知宜賓縣事李嘉祐拜手

